

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

von dē weyn. do er het gelernt w3 im het gethā
sein iūnger sun. Er sprach. Verflucht sey cha/
naan. er wirt ein knecht der knecht seiner brūder
vnd sprach. Geseget sey der herr got. sem. cha/
naan der sey seyn knecht. Got erweyter iaphet
vñ er wone in dē tabernackeln sem. vñ chanaan
sey sein knecht. vñ noe lebet nach der sündflus
dreyhūdert vñ fūftzig iar vñ alle sei tag wurde
erfült newnhundert vñ fūfftzig iar vnd starb

Das .X. Capitel. Ist vō

dē geschlechtē dy da komē vō noe kinder. vñnd
wie dy getaylt wardē dy land zubesitzen

Is sein dy geschlecht

Der sūn noe sem. cham vñ iaphet. vñ in
wurde geborn sūn nach der sündflus
Die kinder iaphet. vñ gomer. vñ magog. vñ ma/
dai. iauan. tubal. vñ mosoch. vñ thiras. Aber die
kinder gomer. assenes. riphat vñnd ichogorma.
Aber die kinder iauan. helisa. vñ tharsis. techim
dodamin. von disem sein geteylet dye inseln der
heydē in irē gegentē. ein yeglicher nach seyner
zungen vñ nach dē gesyndē in iren geschlechtē
Aber dy kinder cham. chus vñ mesraim vñ phut
vñ chanaan. Aber dy kinder chus. saba. euila. vñ
sabattha. vñ regina. vñ sabathaca. dy kinder regi/
na saba vnd dadan. aber chus gepar nemroth
der selb sieng an zuseyn gewaltig auf der erdē
vñ er was eyn stoltzer ieger vor dē herren. von
disem gieng auß ein spruchwort. Nemroth. Als
eyn starcker ieger vor dē herre. Vñ der anfang

seyms reychs. w3 babilon. arath. vñ archat. vnd
chalanne in dē land semaar. Vō dē land giēg
auß assur. vñ pawet niniuen. vnd dy gassen der
stat vñ chale. Vñ Resen zwischē niniue vñ cha/
le. dz ist ei grosse statt. Auch mesraim gepar lu/
dim. vñ anami. vñ laabim. vñ neptuim. vñ phetru/
sim. celluim. vō disen sein außgegange. dy philis/
teyer. vñnd chapthurim. Chanaan aber gepar
sydonē seinē erstgebome. etheum. vñ iebuseum.
vñ amorreū. gergeseum. eueū. aracheum. cynēū
vñ aradiuz. samaritem. vñ amathēū. Vñ durch
dise sei außgeseet dy vōlcker der chananeer. vñ
seyen worden die end chanaan. den dye do kumē
von sydon yeraram bis zu gazam. bis dz du eyn
gest zu sodomam. vñnd gomoram. vnd zu ada/
mam vñnd zu seboim bis zu lesa. Dyse seyn die
kinder cham. in iren frewntschafften vñ in den
zungen. vnd in den geschlechten vñ in den lan/
den. vnd in iren vōlckern. vnd von Sem seyn ges/
borē dem vater aller der sūn heber. dem merern
bruder iaphet. Die kinder sem heblem vñ assur
vñ arphaxat vnd lud vñ aram. Die kinder aram
hus vñ hul. vnd gether vnd mes. Aber auch ar/
phaxat gepar. sale. von dem ist geboren heber.
vñnd heber dem wurden geborn zwen sūn. Der
nam des eynen phaleg. darumbē das in seyner
tagen ward geteylet das lannde. vñnd der nam
seynes bruders iectan. der iectan gepar helmo/
dat. saleph. asarmoth. iare vñ aduram. vnd iazal
vnd deda. vnd hebal vñnd abimabel. saba. vñnd
iophir. euila vñ iobab. dy sei all dy kinder iectan

